

Inatsisartut Suleriaasianni § 37 naapertorlugu matumuuna apeqquteqaateqassaanga:

- 1. Namminersorlutik Oqartussani sulisut killiligaanatik oqaaseqarsinnaanerisa nipangiussisussaataitanerminnaq killiligaasimanera, taamaattumillu – malittarisassat taakku malikkunikkit – Namminersorlutik Oqartussani pissutsit isornartorsiortariaqartut imaluunniit unioqutitsisumik iliornerit pillugit tusagassiorfinnut, politikerinut allanulluunniit oqaaseqarsinnaanerit Naalackersuisut siulittaasuata uppersarsinnaavaa?**
- 2. Tamanna tunngavigalugu Naalackersuisut siulittaasuata naalackersuisoqarfimmini pisortami, Svend Hardenbergip, juulip 25-iani tusagassiorfinnut nalunaaruteqarluni oqaatigisaminik Namminersorlutik Oqartussani sulisunut erseqqissaateqarnissaanut kaammattuuteqarnissaminik pilersaaruteqarpa?**

(Inatsisartunut ilaasortaq Palle Christiansen, Demokraatit)

Tunngavilersuut:

Naalackersuisut siulittaasuata Naalackersuisoqarfiani naalackersuisoqarfiup pisortaa, Svend Hardenberg, tusagassiorfinnut nalunaarummini, juulip 25-iani nassiussamini, ilaatigut ima allappoq:

”Siullertut ajuusaarutigissavara Namminersorlutik Oqartussat allaffeqarfiat, pisortaanertut akisussaaffigisara, pillugu nuanninngitsumik tusagassiuutitigut piffissami matumani eqqartuineq.

Periarfissaq manna atorlugu erseqqissaatigissavara Namminersorlutik Oqartussani pisut pillugit Naalackersuisut allaffeqarfirmiluunniit atorfilittat oqaaseqarneqarneq ajormata.”

Taamatut oqaaseqarnera tupaallaatigineqarpoq. Tusagassiorfinnut nalunaarut, ilaatigut KNR-imi sammineqarmat qulequtserneqarpoq ”Hardenbergip allaffeqarfissuarmi sulisut oqaaseqaqqunngilai”.

Hardenbergili ”allaffeqarfissuarmi sulisut oqaaseqaqqusinani” naalakkiisinnaatitaava?

Namminersorlutik Oqartussani sulisut pisortani suliassat sularineqartarnerannut inatsimmi nipangiussisussaataitanermit malittarisassat soorunami malittussaavaat, paasissutissat pineqartut malittarisassat iluanniippata. Aammali Namminersorlutik Oqartussani sulisut tamatuma saniatigut suliffeqarfimmini pissutsit isornartorsiortariaqartut imaluunniit unioqutitsisumik iliornerit pillugit tusagassiorfinnut, politikerinut allanulluunniit oqaaseqaqqusaannginnissaat imaluunniit oqaaseqarnissaannut akornusersorneqannginnissaat erseqqilluinnarpoq.

Inatsisartut Ombudsmandiat suliame, ombudsmandip 2002-mut nalunaarutaani allaaserineqartumi, ima oqaaseqarpoq:

”Ingerlatsivimmi oqartussaasup atorfeqartitaasut kiffaanngissuseqartumik oqalussinnaatitaanerminnik atuiniaqqunagit sunnerniarpagit tamanna tunngaviusumik

eqqarsariarnartoqartitsilissaaq. Oqartussaasut peqqusissuteqartarneri inertequtivinngoriartussappata taamatulluunniit paasineqarsinnaappata tamanna Tunngaviusumik Inatsimmi § 77-imut assortuuttuusussaavoq.

Atorfeqartitaasut tusagassiuutinut oqaaseqaateqarnerinut imaluunniit Naalackersuisumut ilaasortamut saaffiginnissutaat pissutigalugit pisortaausut oqaasiinnatigut allakkatigulluunniit paasinninnera malillugu oqaasertalersorneqartariaqarput atorfeqartitaasut kiffaanngissuseqartumik oqalussinnaatitaanerannik inatsiseqartitsinikkut killissat pillugit saqqummiussinertut paasineqartussaajunnaarlugit. Atorfeqartitaasup suliffiup iluani ajornartorsiutaasunik aaqqiiniaqqaarsimannginnera pillugu pakatsineq tamatumaluunniit assigisai pisortaausut saqqummiunniarpatigit tamatumunnga peqatigitillugu erseqqissarneqartariaqarpoq atorfeqartitaasoq pisortaausunut sioqqutsisumik saqqummiusseqqaanngikkaluarluni nammineq inuttut oqaaseqaateqarsinnaatitaasoq.”

Svend Hardenberg, taamatut oqaaseqaateqarnermigut sulisut killiligaanatik oqarsinnaatitaanerminnik atuinnginnissaannik sunniiniarsimanersoq, imaluunniit tusagassiorfinnut nalunaarutaa ersernerluttumik eqqarsaatigilluagaanngitsumillu allanneqarsimanersoq, naak tamanna Namminersorlutik Oqartussani allaffissornikkut qullersatut taamaaliornissaa ilimagisariaqanngikkaluartoq – immaqa paaseqqissaarnaviannngilarput.

Tusagassiorfinnut nalunaarutaata Namminersorlutik Oqartussani sulisunut pissutsinik isornartorsiortariaqakkanik imaluunniit unioqqutitsisoqarneranik avammut oqaaseqarnissaminnut killiligaaneritik kukkusumik paasititsissappat ajuusaarnartupilussuussaaq. KNR-ip suliamik samminninnera erseqqisaasoqartariaqarneranut uppersaaginnarpoq.

Apeqqutit tiguneqarnerinit ullut suliffiusut qulit iluanni akineqarnissaat kissaatigaara.